

Hei Pfüat di Gott Ländle

1. Hei pfüat di Gott Ländle, - hei pfüat die Gott Riad

Ma mags gar net globa - was dir ond os blüaht.

Bisher hont wir geara – en d`Weite naugschaut,

ond komman dan Polder, - isch d`Hoimat vrsaut.

2. Ma braucht net weit laufa - scho stot ma voar am Damm,

Drhendr a stenkata Bria - ond a Schlamm

Viel Geld weard vrpulvert - a Gutachta erstellt,

vrbaut ond vrsaut - osr Riad, osr Feld.

3. Statt Hasa ond Reah - ganze Völkr von Schnoga,

Vom Frühahling bis Herbscht - do wearans os ploga

Ond wenn gega die Viechr - nix andrs mea nützt,

Dann muaß halt Chemie hear - vom Fliagr aus g`spritzt.

4. Experta aus Mencha - wissen alles genauer

Dia rechnen ond planen - ond wearan net schlauer

Dia hont scho em voraus - a Hochwassr gseha

Wenn wir os net wehren - isch endgültig g`scheha.

5. Was hont dia Politikr - sich do drbei denkt,

a so a Gemeinheit - dia zom Heml nauf stenkt.

Dia wissen alles bessr - ond redn recht g`scheit

Ond hont doch koi Ahnung - was oim d`Hoimat bedeit.

6. Jahrzehnte lang hot ma - alles kanalisiert

Ond hot net dra denkt - wona denn dös fūahrt

Ends Riad hot ma Heisr - ond Fabrika neibaut,

wias dann überschwemmt war - nocht hot ma blöd g`schaut.

7. Oh pfūat die Gott Ländle - o pfūaht di Gott Riad,

ma mags gar net globa - was dir on dos blūaht,

kaputt gmacht dr Boda - dear wo os ernährt

osr fruchtbares Ländle - für immer zerstört.